


**TEZAU LITURGIC**

**23 NOIEMBRIE**

**SLUJBA  
SF.CNEAZ  
ALEXANDRU  
NEVSKI  
DE LA VLADIMIR  
ȘI NOVGOROD  
II**



**MOSCOVA, 2000**



# Служба святому благоверному великому князю Александру Невскому

**НА ВЕЛИЦЬЙ ВЕЧЕРНИ,  
Поёмъ: Блаженъ мужъ, 1-й антифонъ. На  
Господи возвахъ: стихиры святому на 8,  
гласъ 6:**

**По** имени твоему тако и житіе твоё, благоверный княже Александре: мужествомъ бо на земли и добрымъ правленіемъ, нынѣ же на небеси молитвами помоществуеши людемъ твоимъ. Тѣмже ты, и въ тебѣ славимаго во святыхъ Своихъ Бога почитаемъ.

**Добръ** строитель и добль воинъ, скипетромъ на престолѣ право правя, и во брани оружіемъ защищая люди твоя, сугубыя чести сподобился еси отъ Вышняго Правителя и Господа Саваоѳа.

**Большія** любве никтоже имать отъ сея, аще кто положитъ душу свою за други своя; сиевою люди твоя возлюбилъ еси, на оружіе вражіе за ня мужественно исходя, Богу осѣняюще надъ главою твоею въ день брани.

**Моисея** и Давида и прочихъ людей Божіихъ вождовъ подражая, мужественно во браняхъ за

люди твоя подви́зѣлся еси́, тѣмже и на небеси́ съ  
ними́, побѣдѣтель, торже́ствуеши, моля́ся о  
вои́нствующихъ ко Господу.

### **Сла́ва, гла́съ то́йже:**

**В**есели́ся, Ижерская землѣ и вся Россі́йская  
страна́, Варя́жское мо́ре, воспле́щи рука́ми,  
Нево́ рѣко́, распротрани́ своя́ струи́: се́ бо князь  
тво́й и влады́ка, отъ и́га свѣ́йскаго тя́  
свободи́вый, торже́ствуе́тъ во гра́дѣ Бо́жіи,  
его́же веселя́тъ рѣ́чная устремле́нія.

### **И ны́нѣ, богоро́диченъ, гла́съ то́йже:**

**К**то́ Тебе́ не ублажи́тъ, Пресвята́я Дѣ́во, кто́ ли  
не воспое́тъ Твоего́ Пречи́стаго Рожде́ства?  
Безлѣ́тно бо отъ Отца́ возсія́вый Сы́нъ  
Единоро́дный, То́йже отъ Тебе́, Чи́стыя, пройде́,  
неизрече́нно вопло́щся, естество́мъ Бо́гъ Сы́й, и  
естество́мъ бы́въ Человѣ́къ на́съ ра́ди; не во  
двою́ лицу́ раздѣ́ляемый, но во двою́ естеству́  
неслѣ́тно познава́емый. Того́ моли́, Чи́стая  
Всеблаже́нная, поми́ловатися душа́мъ на́шимъ.

### **Вхо́дъ. Прокі́менъ дне́. И чтѣ́нія три. Прему́дрости Соломо́новы чтѣ́ніе.**

**П**ра́ведныхъ ду́ши въ руцѣ́ Бо́жіей, и не  
прико́снется ихъ му́ка. Непщевани́ бы́ша во  
очесѣ́хъ безу́мныхъ умре́ти, и вмѣ́нися озлобле́ніе  
исхо́дъ ихъ, и е́же отъ на́съ шѣ́ствіе —  
сокруше́ніе, они́ же су́ть въ ми́рѣ. Ибо предѣ́

лицёмъ человѣческимъ, аще и муку приимутъ, упованіе ихъ безсмертія исполнено. И вмаля наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горниль, искуси ихъ и, яко всеплодіе жертвенное, пріяте я. И во время посѣщенія ихъ, возсіяютъ, и яко іскры по стѣблю, потекутъ. Судятъ языкомъ и обладають людьми, и воцарятся Господь въ нихъ во вѣки. Надѣющіися Нань разумѣютъ истину и вѣрніи въ любви пребудутъ Ему, яко благодать и милость въ преподобныхъ Его и посѣщеніе во избранныхъ Его.

### **Премудрости Соломоновы чтеніе.**

**П**раведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимутъ царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ міръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнятъ

паду́ть гра́ды. Вознегоду́еть на ни́хъ вода́ морская́, рѣ́ки же пото́пятъ я́ на́гло. Сопроті́въ стане́тъ имъ́ ду́хъ си́лы и, я́ко ви́хоръ, развѣ́еть ихъ́, и опустоши́тъ всю́ зе́млю беззако́ніе, и злодѣ́йство преврати́тъ престо́лы си́льныхъ. Слы́шите у́бо, ца́ріе, и разу́мѣ́йте, навѣ́кните, суді́и концевъ́ землі́. Внуші́те держа́щіи мно́жества и гордя́щіися о наро́дѣхъ язы́ковъ, я́ко дана́ е́сть отъ Го́спода держа́ва ва́мъ и си́ла отъ Вы́шняго.

### **Премудрости Соломоновы чтеніе.**

**П**раведникъ, а́ще пости́гнетъ сконча́тися, въ поко́и бу́детъ. Ста́рость бо честна́ не многолѣ́тна, ниже́ въ числѣ́ лѣ́тъ исчита́ется. Съди́на же е́сть му́дрость чело́вѣкомъ, и во́зраст ста́рости — житі́е нескве́рное. Благоуго́денъ Бо́гови бы́въ, возлю́бленъ бы́сть, и живы́й посреде́ грѣ́шникъ, предста́вленъ бы́сть. Восхи́щенъ бы́сть, да не зло́ба измѣ́нитъ ра́зума его́, или́ ле́сть прельсти́тъ ду́шу его́. Раче́ніе бо зло́бы помрача́етъ до́брая и паре́ніе по́хоти, премѣ́няетъ у́мъ незло́бивъ. Сконча́вся вма́лѣ, испо́лни лѣ́та до́лга, уго́дна бо бѣ́ Господеви ду́ша его́, сего́ ра́ди потща́ся отъ среды́ лука́вствія. Лю́діе же ви́дѣвше и не разу́мѣвше, ниже́ поло́жше въ помышле́ніи таковы́е, я́ко благода́ть и ми́лость въ преподо́бныхъ Его́ и посѣ́щеніе во избра́нныхъ Его́.

## На литіи стихи́ра хра́му и свято́му стихи́ры, гласъ 4:

**Д**а веселі́тся дне́сь но́вый Израі́иль о сотво́ршемъ его́, и сы́нове россі́йстіи да возра́дуются о кня́зѣ своѣмъ, благовѣ́рномъ Алекса́ндрѣ Не́вскомъ: се́ бо ца́рскою діа́димою вѣ́нча его́ Ца́рь ца́рствующимъ.

**А**ще на́ми и влады́чествуеши, благовѣ́рный кня́же Алекса́ндре, оба́че раба́ Бо́жія тя имену́емъ, Его́же, влады́чествуя, на́мъ Го́спода своего́ исповѣ́далъ, Ему́же послужи́лъ, отъ Него́же и услы́шалъ еси́: бла́гий ра́бе, до́брый и вѣ́рный, вни́ди въ ра́дость Го́спода твоего́.

**П**рельсти́шася фари́сее, глаго́люще: кто́ отъ кня́зѣ вѣ́рова въ Онѣ́? Се́ бо благовѣ́рный кня́зѣ Алекса́ндрѣ Не́вскіи вѣ́рова во Іису́са распя́таго, и благоче́стіемъ угоди́ Ему́, и воспри́ять спасе́ніе вѣ́чное.

**В**ойсти́нну вѣ́рный и му́дрый строи́тель бы́лъ еси́, Алекса́ндре, его́же поста́ви Го́сподъ надъ раба́ Свои́ми, россі́йскими наро́ды; блаже́нъ еси́, і́бо во вре́мя кончи́ны твоея́ прише́дъ къ тебѣ́, Го́сподъ обрѣ́те тя до́брѣ́ творя́ща, и надъ всѣ́мъ имѣ́ніемъ на небеси́ поста́ви тя.

## Сла́ва, [гласъ 1:

**В**озвеселі́тесь дне́сь, россі́йстіи наро́ди, ликовствуй́те, нача́ла и власти: се́ бо пло́ть отъ

плоти и власть отъ власти ва́шей, благовѣ́рный князь Алекса́ндръ Не́вскій, ликуе́тъ со а́нгелы на небеси́, и всѣ́хъ своихъ сроднико́въ и власте́й, и подѣ́ властію су́щихъ, на духо́вное созываетъ торже́ство, о всѣ́хъ мо́лится ко Го́споду.]

### **И ны́нѣ, гла́съ то́йже:**

**С**е́ исполнися Иса́иино прорече́ніе: Дѣ́ва бо роди́ла еси́ и по рождествѣ́, я́ко пре́жде рождества́, пребы́ла еси́, Бо́гъ бо бѣ́ Рожде́йся, тѣ́мже и естества́ новопресѣ́че. Но, о Богома́ти, моле́нія Твои́хъ рабо́въ, въ Твое́мъ хра́мѣ приноси́мая Тебѣ́, не прѣ́зи, но я́ко Благоутро́бнаго Твои́ма рука́ма нося́щи, на Твоя́ рабы́ умилосе́рдися, и моли́ спастися ду́шамъ на́шимъ.

### **На стиховнѣ́ стихи́ры свято́му, гла́съ 6:**

**И**сповѣ́дава́шаго и́мя Иису́сово предѣ́ челове́ки, исповѣ́дуетъ тя́ Иису́съ предѣ́ Отце́мъ Свои́мъ на небеси́; и мы́ на земли́ воспѣ́ваемъ тя́, благовѣ́рне Алекса́ндре, я́ко моля́щагося о ду́шахъ на́шихъ.

**Стихъ:** Че́стна предѣ́ Го́сподемъ сме́рть преподо́бныхъ Его́.

**С**е́рдцемъ вѣ́ровалъ еси́ въ пра́вду, усты́ же предѣ́ мучите́лемъ исповѣ́довалъ еси́ во спасе́ніе; убо́ я́ко и́стинный исповѣ́дникъ и наслѣ́дникъ, моли́ся о спасе́нии ду́шъ на́шихъ.

**Стихъ:** Блаженъ мужъ, бояйся Господа, въ заповѣдехъ Его восхощетъ зѣло.

Мучениковъ подражатель, не убоялся еси пострадати, яко добръ воинъ Исусъ Христовъ, изволеніемъ бывъ мученикъ. Тѣмже и съ мученики вѣнчался еси отъ Подвигоположника Исуса.

### **Слава, гласъ 2:**

Приидите, вси россійстии чїни, восхвалите добраго чиноначальника: власти — мудраго строителя, воїни — прехрабраго воїна, православія любители — твёрдаго исповѣдника, изволеніемъ мученика. Повинуйтесь наставнику вашему, и покаяйтесь, и видѣвше кончину его, подражайте вѣрѣ его.

### **И нынѣ, богородиченъ, гласъ тойже:**

О, чудесѣ новаго, всѣхъ древнихъ чудесъ! Кто бо позна Матерь, безъ мужа рождшую и на руку носящую всю тварь Содержащаго? Божіе есть изволеніе Рождающееся. Егѡже яко Младенца, Пречистая, Твоима рукама носившая, и матернее дерзновеніе къ Немѹ имущая, не престаѣй молящи о чтущихъ Тя, ущедрити и спасти душі наша.

## Тропа́рь, гла́сь 4:

**П**озна́й свою́ бра́тію, россі́йскій Іо́сифе, не въ Египтѣ, но на небесѣ́ царствующій, благовѣ́рный кня́же Алекса́ндре, и пріими́ моле́нія ихъ, умножа́я жи́та люде́мъ плодоно́сіемъ земли́ твоея́, гра́ды влады́чества твоего́ огражда́я моле́ніемъ и наслѣ́дникомъ твои́мъ на сопроти́вныя спобо́рствуя.

## Инъ тропа́рь, гла́сь то́йже:

**Я**ко благоче́стиваго ко́рене пречестна́я о́трасль бы́лъ еси́, блаже́нне Алекса́ндре, яви́ бо тя Христо́съ, я́ко нѣ́кое Божество́нное сокрови́ще Росси́йстѣй земли́, но́ваго чудотво́рца, пресла́вна и богопрі́ятна. И днѣ́сь, соше́дшеся въ па́мять твою́ вѣ́рою и любове́ю, во псалмѣ́хъ и пѣ́ніихъ раду́ющеся, сла́вимъ Го́спода, да́вшего тебѣ́ благода́ть исцѣ́лѣній. Его́же моли́ спасти́ гра́дъ сей, и держа́вѣ́ сродни́къ твои́хъ богоуго́днѣй бы́ти, и сыновомъ россі́йскимъ спасти́ся.

## НА УТРЕНИ,

**По 1-й каѳі́смѣ́ съда́ленѣ́, гла́сь 4. Подо́бенъ:**

**Я**ви́лся еси́.

**Д**а веселі́тся днѣ́сь но́вый Израі́ль о сотво́ршемъ его́, и сы́нове россі́йстїи да возра́дуются о кня́зѣ́ своѣ́мъ, благовѣ́рномъ

Алекса́ндръ Нѣвско́мъ: се́ бо ца́рскою діа́ймою  
вѣ́нча́ его́ Ца́рь ца́рству́ющимъ. **[Два́жды.]**

**Сла́ва, и ны́нѣ, богоро́диченъ:**

**П**речи́стѣи ру́цѣ Твоѣ́, Дѣ́во Ма́ти, прости́рши,  
покры́й упова́ющія на Тя́, и Сы́ну Твоему́  
зову́щія: всѣ́мъ пода́ждь, Христе́, ми́лости Твоѣ́.

**По 2-мъ каѳи́смъ, съда́ленъ, гла́съ 3.**

**Подобѣ́нь: Краси́тъ дѣ́вства.**

**Б**лагода́рно зове́мъ всѣ́ Христо́ву уго́днику,  
прилѣ́жно моля́щеся: разруши́ брань страсте́й  
нашихъ, и отжени́ демонская́ мечта́нія,  
блаже́нне, и моли́ Христа́ Бо́га дарова́ти намъ  
ве́лію ми́лость. **[Два́жды.]**

**Сла́ва, и ны́нѣ, богоро́диченъ:**

**Н**едомы́сленно и непостижи́мо е́сть,  
Влады́чице Богора́дованная, е́же содѣ́ланное о  
Тебѣ́ стра́шное Бо́жіе та́инство, и́бо  
Необыме́ннаго, заче́нши, родила́ еси́, плоти́ю  
обложе́на от пречи́стыхъ крове́й Твои́хъ; Его́же  
всегда́, Чи́стая, я́ко Сы́на Твоего́, моли́ спасти́ся  
душа́мъ нашимъ.

**Поліе́лѣй и велича́ніе:**

**В**елича́емъ тя́, благовѣ́рный кня́же Алекса́ндре,  
и чте́мъ святу́ю па́мять твою́, ты́ бо мо́лиши о  
на́съ Христа́ Бо́га на́шего.

**Псаломъ избранный:** Терпя, потерпѣхъ  
Господа...

**По поіелѣи сѣдаленъ, гласъ 4. Подобень:**  
**У**дивися Іосифъ.

**Д**у́хъ Святы́й тя, блаже́нне, наста́ви оте́чество  
твое́ па́ствити на па́житехъ спаси́тельныхъ, и  
Христо́съ свѣти́льника тя показа́ явѣ. Сего́ ради  
лику́й и весели́ся со дерзнове́ніемъ, я́ко сугубы́я  
вѣнцы́ отъ Вѣнцада́вца при́ймъ. **[Два́жды.]**

**Сла́ва, и ны́не, гласъ тойже:**

**У**дивися Іосифъ, е́же па́че естества́ зря, и  
внима́ше мы́слию и́же на руно́ до́ждь, въ  
безсѣ́менномъ зача́тіи Твое́мъ, Богоро́дице:  
купину́, огне́мъ неопали́мую, же́злъ Ааро́новъ  
прозя́бшій, и свидѣ́тельствую, обру́чникъ Тво́й и  
храни́тель свяще́нникомъ вызы́аше: Дѣ́ва  
ражда́етъ и по рождествѣ́ па́ки Дѣ́вою  
пребыва́етъ.

**Степе́нна, 1-й антифо́нь 4-го**  
**гласа. Прокі́менъ, гласъ 4: Вознесо́хъ**  
избра́ннаго\* отъ люде́й Мои́хъ. **Стихъ:** Сего́ ради  
пома́за Тя, Бо́же, Бо́гъ Тво́й, [еле́емъ радости  
па́че прича́стникъ Твои́хъ]. **Ева́нгеліе отъ**  
**Іоанна, за́чало 36.**

## По 50-мъ псалмѣ стихира, гласъ 6:

Приидите, всѣ людіе, хвалу принесемъ блаженному, вопіюще сице: радуйся, пресвѣтлый столпе, просвѣщая насъ чудесъ свѣтлостми; радуйся, росный облаче, пламень погашаяй страстей и орошая вѣрныхъ мысли, божественный Александре.

**Канонъ молебный Богородицѣ, со ирмосомъ на 6, и святому на 8.**

**Канонъ святому, гласъ 8.**

**Пѣснь 1.**

**Ирмосъ:** Воду прошѣдъ, [яко сущу, и египетскаго зла избѣжавъ, израильтянинъ вопіяше: Избавителю и Богу нашему поимъ].

Достойными похвалами воспѣти преславнаго чудотворца, умъ и смыслъ даруй ми, Христѣ Боже, яко да воспою, радуясь, память его.

Свѣтильниче многосвѣтлый Россійскія земли, якоже второе солнце, чудесы сіяя, всѣхъ насъ поминай, совершающихъ память твою, Александре блаженне.

Богомудре Александре, аще ты и напоследокъ лѣтъ богопросвѣщенная Россійская страна возрасти, но древнихъ чести сподобился еси, дарованіе чудесъ достойно приемъ.

**Богородиченьъ:** **Законовъ** кромѣ естѣственныхъ, Дѣво, родила еси Законодавца Бога, Человѣка бывша. Того, яко Блага, моли, Всенепорочная, наша беззаконія презрѣти.

### **Пѣснь 3.**

**Ирмосъ:** *Небѣснаго круга [Верхотворче, Господи, и Цѣркве Зиждителю, Ты мене утверди въ любви Твоей, желаній краю, вѣрныхъ утверждѣніе, еди́не Человѣколю́бче].*

**Свѣтильникъ** свѣта явился еси, Александре всеблаженне, недуговъ глубокую тму разрушая всегда, зарею свѣтлою чудесь, премудре.

**Престо́лу** предсто́иши благода́ти, со всѣми а́нгелы раду́ясь днѣсь, и міру исцѣлѣнія раздавая́ бога́тство, спаси́ всѣхъ на́съ моли́твами твои́ми, блаже́нне.

**Благочестиваго** и вѣнценоснаго Алекса́ндра, соше́дшеся, по досто́янію восхва́лимъ, яко чудесь подателя обильнаго и Госпо́ду моля́щася о всѣхъ на́съ.

**Богородиченьъ:** **Яко** вои́стинну Госпо́дь воца́рися въ Ца́рствіе не отпа́дающее, и облече́ся псаломски изъ Тебе́, Богома́ти, въ красное благолѣ́піе, плоть святу́ю, е́юже сме́рть прія́тъ и разруши́ ея́ ца́рство.

## Сѣда́лень, гла́сь 8:

**Я**ко звѣзда́ многосвѣ́тлая яви́лся еси́, свѣ́тлаго ра́ди житі́я твоего́, сосу́дь Свята́го Ду́ха бы́въ. Сего́ ра́ди по мно́гихъ лѣ́тъхъ во гробѣ́ нетлѣ́нны обрѣ́тошася свѣ́тыя твоя́ мо́щи, отъ ни́хже исто́чаеши рѣ́ки чуде́съ исцѣ́леній вѣ́рно зову́щимъ ти: ра́дуйся, благовѣ́рный вели́кій кня́же Алекса́ндре. **[Два́жды.]**

## Сла́ва, и ны́нѣ, богоро́дичень:

**С**е́ Тебе́ ро́ди родо́въ сла́вятъ, я́коже проре́клъ еси́, О́трокови́це, Созда́теля бо всѣ́хъ была́ еси́ пала́та и Божѣ́ственный хра́мъ, въ не́мже всели́ся Вы́шній и плото́ю обложи́ся, да спасе́тъ на́съ.

## Пѣ́снь 4.

**Ирмо́сь:** *Услы́шахъ, Го́споди, [смотре́нія Твоего́ та́инство, разумѣ́хъ дѣ́ла Твоя́, и просла́вихъ Твое́ Божство́].*

**З**аре́ю Трисо́лнечныя благода́ти сі́яя, свѣ́тлѣ́ твой пра́здникъ творя́щихъ озари́ и стра́стнаго омраче́нія де́монскаго изба́ви, Алекса́ндре пресла́вне.

**Ц**а́рие и кня́зи, и свяще́нницы, и вельмо́жи, и ста́рцы со ю́нотами, и ве́сь во́зрастъ, свѣ́тло предъигра́йте и па́мьять блаже́ннаго въ пѣ́сняхъ возвели́чите.

**Къ** Божественному Свѣту нынѣ преста́вился еси́, Свѣта сынъ возлюбленъ бывъ, въ радости и красотѣ съ лики а́нгельскими нынѣ радостно ликуеши.

**Богородиченъ:** Имѣю Тя Помо́щницу и не постыждуся, Пречистая Мати́ Бо́жія; имѣю Тя Предста́тельницу и врагъ моихъ не убою́ся.

### Пѣснь 5.

**Ирмосъ:** *Утренююще, вопіемъ Ти: [Господи, спаси ны, Ты бо еси́ Богъ нашъ, развѣ Тебѣ, ино́го не вѣ́мы].*

**Я**ко звѣзда́ свѣтла́ яви́ся непрелѣстна, плѣнѣнныхъ свободитель, и нищихъ богатитель, и болящихъ врачъ, царей поборо́никъ и оте́чества на́шего утвержде́ніе.

**Я**ви́ся въ Россі́йстѣй земли́ чудотворецъ пресла́венъ, Алекса́ндръ блаже́нный, я́ко все́свѣтель свѣти́льникъ, сія́я во все́мъ мі́рѣ и во мра́цѣ страсте́й оза́ряя вся́.

**Д**осточу́дная и пресла́вная па́мь тво́я возсі́я въ Россі́йстѣй земли́, блаже́нне, и радостно вѣ́рныхъ веселіть собо́ры.

**О**тверзо́шася тебѣ́ двѣри еде́мскія, и несказа́ненъ свѣ́тъ и трисі́яненъ возсі́я, блаже́нне, въ неподви́жимѣмъ Ца́рствіи

небеснѣмъ, и праведныхъ веселіе пріялъ еси, радуяся.

**Богородиченъ:** Мѣртвости и тліи избавила еси челоуѣчество, естествомъ бо Жизнодавца и Бѣга безъ сѣмене родила еси, Дѣво Всенепорѣчная, на благодѣяніе восхваляющихъ Тя вѣрно.

## Пѣснь 6.

**Ирмосъ:** Очисти мя, Спасе, [многа бо беззаконія моя, и изъ глубины золь возведи, молюся, къ Тебѣ бо возопихъ, и услыши мя, Бѣже спасенія моего].

Отъ пречестнаго корене израслъ еси вѣтвь, преславне, и благочестно на земли пожилъ еси, и пріятелище чисто Духа явился еси, освящая вѣрою притекающія ти, блаженне.

Веселія днесь исполнися вся Россійская земля въ нарѣчитый день праздника преславнаго чудотворца, Александра блаженнаго: соблюдаетъ бо отечество свое выну ненавѣтно.

Сирѣтъ и вдовъ заступника и въ бѣдахъ непоборимаго помощника, пѣснями Александра ублажимъ, славяще: празднующихъ бо память его весело отъ бѣдъ избавляетъ и скорбей.

**Богородиченъ:** Сущій пресвятый храмъ, Богородице, Источникъ родила еси, Всенепорѣчная, неисчерпаемый, Владычице.

## Кондакъ гласъ 4:

**Я**коже сродницы твой Бори́сь и Глѣ́бъ яви́шася тебѣ́ съ небесе́ въ по́мощь, подви́зающему́ся на Ве́лгера Свѣ́йскаго и во́евъ его́, та́ко и ты ны́нѣ, блаже́нне Алексáндре, пріи́ди въ по́мощь твои́мъ сродникомъ, и побори́ борю́щія ны́.

## Икосъ:

**И**же дрéвле навѣ́тами вра́жіими расточéнныя, я́ко орéль птенцы́ подѣ́ крилѣ́, собира́ше люди́ своя, сѣ́й и ны́нѣ на духо́вное торже́ство собира́етъ на́съ; пріи́дите у́бо, возра́дуемся Го́сподеви, и просла́вимъ просла́вляшаго сродника́ нашего́ и влады́ку, и возопі́ймъ: ра́дуйся, россі́йская сла́во, ски́петровъ держа́во, во́евъ хра́брость, ору́жія крѣ́пость! Помина́й ста́до твоё, надѣ́ нимиже Го́сподь поста́ви тя, и побори́ борю́щія ны́.

## Пѣснь 7.

**Ирмо́съ:** *Отъ Іуде́и доше́дше, о́троцы, [въ Вавило́нѣ иногда́, вѣ́рою Тро́ическою пла́мень пе́щный попра́ша, пою́ще: о́тцевъ Бо́же, благослове́нъ еси́].*

**Д**не́сь Це́рковь Христо́ва, пра́зднующи Алексáндрово торже́ство, соше́дшимся войи́стинну источа́етъ благода́ть, прилѣ́жно моля́щимся и любóвію пою́щимъ его́.

**Во** всѣхъ странахъ россійскихъ произыде  
вѣщаніе, яко явился въ нихъ чудотворецъ  
преславенъ, источая исцѣленій множество всѣмъ  
поющимъ теплѣ.

**Ч**удесы убо твоими, яко цвѣтъ, процвѣлъ еси,  
блаженне, и исцѣленія подаваеши  
притекающимъ въ кровъ твой, мудре и  
досточудне.

**Богородиченъ:** Отъ дѣвственныхъ ложеснъ  
Твоихъ воплощся Бѣгъ, явился на спасеніе наше.  
Тѣмже Тя Матерь вѣдуще, Богородице,  
правовѣрно вопіемъ Ему: отецъ нашихъ Бѣже,  
благословенъ еси.

## **Пѣснь 8.**

**Ирмосъ:** Богоглаголивѣи ѡтроцы, [въ пещи со  
огнемъ пламень попирающе, пояху:  
благословите, дѣла Господня, Господа].

**Тебѣ** въ чудесѣхъ славна Россійскимъ  
странамъ показъ Бѣгъ, Александре, и украси тя  
небесными дарами, Того моли помиловати всѣхъ  
насъ.

**Я**ко утро, яко день свѣтлый твой праздникъ  
явился, просвѣщая наша сердца, и всѣхъ съ  
вѣрою восхваляющихъ тя, Александре  
преславне.

**Д**е́нь торже́ства и пра́здникъ весе́лія на́ста, стеце́мся, вѣ́рнии, очи́стивше вкупѣ́ ду́ши и тѣ́леса: се́ бо на́съ при́зываетъ Алекса́ндръ божѣ́ственный.

**Богоро́диченъ:** **О**бразы но́сящи дрѣ́вле Рожде́ства Твоего́, Дѣ́во Ма́ти: пе́щь у́бо ю́ношей не опа́ли, та́кожде и о́гнь Божѣ́ственный утробы́ Твоея́, Чи́стая.

### **Пѣ́снь 9.**

**Ирмо́съ:** Ужа́сѣся о́ се́мъ не́бо, [и земли́ уди́вишася концы́, я́ко Бо́гъ яви́ся чело́вѣкомъ плоти́ски, и чре́во Твое́ бы́сть пространнѣ́йшее небе́сь. Тѣ́мъ Тя́, Богоро́дицу, а́нгеловъ и чело́вѣкъ чи́нонача́лія велича́ютъ].

**Т**вое́ свято́е преста́влѣніе днѣ́сь свѣ́тло пра́зднуемъ, испо́лни ра́дости и весе́лія восхваля́ющія́ тя́, Алекса́ндре великоиме́ните.

**В**ѣ́лій щитъ и крѣ́пость въ Росси́йствѣ́й земли́, Алекса́ндре, обрѣ́лся еси́, правосла́внымъ же христі́аномъ похва́леніе, и ны́нѣ мо́лимся ти́: сохра́няй оте́чество твое́ отъ язы́ка чужда́го.

**Н**езаходи́мага свѣ́та луча́ми во тмѣ́ су́щимъ сі́яя, сла́вне, къ просвѣ́щенію весе́лія наста́ви ны́, пою́щія́ тя́.

**Б**лаже́нне Алекса́ндре, ка́ко тя́ возмо́жемъ воспѣ́ти досто́йно? Не мо́жетъ бо язы́къ

изглаголати твоѧ различная исцѣленія, и многая дарованія, и чудеса, яже подаваеши наслѣдію твоему.

**Богородиченъ:** Яко утро, тѣмнымъ и блудящимъ, Дѣво, возсіѧ Правды Сѡлнце — Христѡсъ, Егѡже на рукахъ Твоихъ носила еси, Чистая.

**Свѣтиленъ. Подобенъ:** Женѧ, услышите.

Слышана бысть въ Свѣйскихъ странахъ превеликая слава твоѧ, Александре, яко единомъ мужественнымъ именемъ твоимъ устрахуся сопротивніи; и нынѣ, блаженне, врагѧ наша невидимо устрашай, ополчающіяся на христолюбивое твоѧ воинство. **[Дважды]**

**Слава, и нынѣ, богородиченъ:**

Тѧ пѣсньми немѡлчными ублажаемъ, Дѣво, яко отъ Троицы Единого родила еси, Богородице, и носиши на божественную руку пребогатое Слово, непремѣнно и неизмѣнно.

**На хвалитехъ стихіры святаго на 4, гласъ 8.**

**Подобенъ:** О, преславнаго чудесѧ!

О, преславнаго чудесѧ! Міромъ обладающій оставляетъ міръ, скипетроносецъ россійскій отлагаѣтъ скипетръ, совлачаѣтся порфирѧ и грѡбною покрываѣтся плащаницею, вѣнчанная глава княжескую діадиму съ себѧ низлагаѣтъ,

врёменное царство оставляет на земли, о вѣчномъ извѣстенъ на небеси, идѣже вѣнчася царскою діадимою. **[Дважды]**

**О**, ко́ль мно́гія враги́ побѣди́лъ еси́, прехра́брый во́ине Иису́съ Христо́въ! Ви́димыя — мече́мъ и благоче́стіемъ, неви́димыя — моли́твою, плоть — воздержа́ніемъ, міръ — отверже́ніемъ міра, и тако́, пресла́вный побѣди́тель, на не́бо возше́лъ еси́.

**Н**аучи́лъ еси́ насъ премудры́мъ дѣломъ твои́мъ: ничто́же мо́жемъ изнести́ отъ міра сего́, въ о́ньже ничто́же внесе́хомъ. Того́ ради оста́вивъ вре́менная, возжела́въ небес́ная, я́же и насле́дивъ, и на́мъ о́ныхъ не лиш́итися, мо́лимтися.

### **Сла́ва, гла́съ то́йже:**

**П**о́двигомъ до́брымъ подви́зался еси́, течё́ние сконча́лъ, вѣ́ру соблю́лъ, благовѣ́рный кня́же Алексáндре, проче́е же соблюде́ся тебѣ́ вѣне́ць правды́, имже́ вѣнча́ тя и́стинный Мздовозда́тель. Того́ моли́, преблаже́нне, вру́ченному тебѣ́ ста́ду, сыно́мъ росси́йскимъ, спасти́ся.

### **И ны́нѣ, богоро́диченъ, гла́съ то́йже:**

**В**лады́чице, при́ими моли́твы рабо́въ Твои́хъ, и изба́ви насъ отъ вся́кія ну́жды и печа́ли.

**Славосло́віе вели́кое. Ектені́й, и отпу́сть.**

## НА ЛИТУРГИИ,

**Блаженны отъ канона святаго, пѣснь 3-я и 6-я, на 8. [Прокимень, гласъ 7: Честна предъ Господемъ\* смѣртъ преподобныхъ его. Стихъ: Что воздамъ Господеву о всѣхъ, яже воздаде ми? Апостолъ, къ Галатомъ, зачало 213. Аллилуія, гласъ 6: Блаженъ мужъ, бояйся Господа, въ заповѣдехъ Его восхощетъ зѣло. Стихъ: Сильно на земли будетъ сѣмя его.] Евангеліе отъ Матѳея, зачало 43. [Причастенъ: Въ паметъ вѣчную будетъ праведникъ, отъ слуха зла не убоится.]**

**Источникъ: Великій сборникъ. Часть вторая: Минія праздничная. — Jordanville: Типографія преп. Іова Почаевского, 1956. — С. 335-346. [2-я паг.]**

